

新疆圖志卷一百十一

忠節一

漢

莎車王延於元帝之世爲侍子於京師慕樂中國及王莽之亂匈奴畧有西域他國競相歛服唯延不肯附屬嘗敕諸子當世世奉漢家不可負漢他屬也時中國適有新莽之禍而匈奴乘間張大逼侵諸國延以憂卒子康立康能善述父志率旁國力拒匈奴擁衛故都護吏士妻子千餘口檄書河西問中國動靜竇融乃承制立康爲漢莎車建功懷德王西域大都尉五十五國均屬焉

關寵已校尉也屯西域柳中孝明帝永平十八年北匈奴興師圍於柳中城時耿恭亦被匈奴後車師圍共上書求救詔公卿會議之司空倫以爲不宜救司徒鮑昱曰今使人於危難之地急而棄之外則縱蠻夷之暴內則傷死難之臣誠令難恃後無邊

新疆圖志

忠節一

一

患可也匈奴如復犯塞爲寇陛下何以使將可令敦煌酒泉太守各將精騎二千以赴其急帝然之乃遣征西將軍耿秉屯酒泉行太守事遣酒泉太守段彭與謁者王蒙皇甫援發張掖敦煌三郡及鄯善兵合七千餘人以救之乃甫解耿恭之圍師未至柳中寵師敗沒寵死於難

陳睦於永平十七年爲西域都護十八年肅宗崩焉耆以中國新喪不暇西顧遂攻陳睦全軍皆沒至永元六年班超發西域諸國兵討焉耆收焉耆王至陳睦故城斬之

郭恂初從班超使西域斬匈奴使後陳睦爲都護恂爲校尉永平十八年爲焉耆攻沒

索班元初六年爲西域長史屯伊吾車師前王及鄯善王皆來降後數月北匈奴與車師後王共圍攻索班班力戰死之至延光二年班勇攻破車師後王捕軍就及匈奴使於索班沒處斬之

隋

張定和爲大將軍大業五年四月遣兵繫吐谷渾不克西域諸國來朝獻地置西海等郡吐谷渾伏允見隋軍威不敢降遁去遣其名王詐稱伏允保軍戎真山帝遣大將軍張定和等率軍討之戰沒於陣

唐

袁光庭爲伊州刺史吐蕃攻之屢年不下糧竭力盡自焚死時不達音問者十餘載德宗建中二年郭昕使至朝廷始知之贈工

部尙書

唐書忠義傳

馮嘉賓爲御史中丞景龍二年西突厥寇邊遣馮嘉賓使突厥遂死於突厥

牛師獎爲安西都護景龍二年馮嘉賓死於突厥師獎遂與突厥戰於火燒城死之

石演芬西域人李懷光畜爲假子懷光與朱泚通謀演芬遣客郜成義詣行在言懷光無破賊意請罷其總統成義洩其言懷光

新疆圖志

忠節一

二一

召演芬罵曰爾爲我子奈何欲破吾家今日負我宜卽死對曰天子以公爲股肱公以演芬爲腹心公負天子我安得不負公且我胡人免賊名而死死甘心矣懷光使左右鬻食之事聞贈兵都尙書

來濟庭州刺史也龍朔二年西突厥來寇死之

金

馬慶祥字瑞甯本名蘇爾濟蘇西域人遷居臨洮以馬爲氏後又徙居渾州天山歷官鳳翔府路兵馬都統判官元光元年與元兵戰於澮水兵敗被執不屈死之

元

沁布阿咱爾

原作金善庵撒里

字子仁高昌人官監察御史劾權相旺嘉奴十

罪出爲贛州路達嚕噶齊摘奸發伏一郡肅然屬汝穎盜起陷屬邑數遣兵復之以功拜行省參政分省於贛陳友諒兵圍城日環甲登陴拒守斬脅降賊使力戰四閱月兵疲食盡萬戶某

戶某欲舉城降遂自剄贈諡愾哀

元史忠義傳

巴延布哈德濟字蒼崖輝和爾氏駙馬都尉中書令丞相封高昌王舒蘇德濟之孫駙馬都尉浙江行省丞相封荆南王多喇德濟之子也偶儻好學曉音律歷官至江東道廉訪使順帝至正十八年陳友諒遣賊黨王奉國寇信州巴延引兵往援賊陷城自刎賜諡桓敏

道通高昌人自號石巖性深沉寡言以世胄入官歷清要素負能名加大司徒後守撫州城陷爲陳友諒兵所害諡忠烈

明安喀喇氏至元二十年授定遠大將軍中衛親軍都指揮使明年賜佩虎符領桂齊軍北征又明年立桂齊軍都指揮使司命爲本衛達嚕齊二十九年以功陞定遠大將軍桂齊軍都指揮使司達嚕嚕齊大德二年復將兵北征與海都戰歿於陣

阿喇勒烏蘇回鶻巴鄂爾氏仕其國爲千夫長太祖征西域駐蹕巴鄂爾之地阿喇烏蘇率其部曲來降從帝親征旣破瀚海軍

## 新疆圖志

忠節一

三

又攻輪臺高昌于闐塔什干等靡戰不克歿於軍中

博羅特穆爾

原作字羅帖木兒

字國賓高昌人爲襄陽路達嚕嚕齊奉行省檄

援穀城與賊相持而襄陽失守乃率衆二百人且戰且退遇沔陽府達嚕嚕齊耀珠等因糾合義兵破賊於楊湖港又敗諸潛江縣會賊大至力戰抵暮身被數創麾從子瑪哈實哩使去曰吾以死報國汝毋留此從子泣曰死生從叔父旣而被執賊請同爲逆怒罵之遂遇害從子帥家奴求其屍復與賊戰均沒於陳舉家死者三十六人

元史忠義傳

布琳尼敦北庭人官山南廉訪使按臨所部威惠翕然至正十二年寇犯中興以兵抗禦射賊多死賊稍却明日賊復擁衆襲東門力戰被執不屈死

元史忠義傳

巴延布哈

原作伯顏不花

字蒼崖輝和爾氏駙馬都尉中書丞相封高昌王

舒蘇之孫也

此從元史所叙世次名字與虞集高昌王世勛碑多不符

官江東道廉訪副使引兵援信州

擊走賊將王奉國後數日賊復來攻奮擊大破之幾擒奉國而

陳友諒弟友德繞城樹木柵攻益急遣叛人高義來誘降巴延布哈數其罪斬之由是日夜與賊鏖戰糧竭矢盡氣不少衰拒守五閱月至殺老弱爲食士疲不能戰萬戶奎瑪里以城叛遂自刎其將援信州也南望泣下曰吾上報天子下拯生民餘皆無所恤所念者太夫人耳入拜母鮮于氏曰兒今不得事母矣母曰汝爲忠臣吾死何憾乃命其子奉母避福建以印信送行御史臺竟力守孤城而死諡桓敏

元史本傳

明

巴延資中官吏部侍郎西域人初爲建昌教授江西盜起授分省都事使守贛州陳友諒破贛巴延資中間道走閩陳友定知之辟爲行省員外郎巴延資中出奇計收復建昌浮海如元都獻捷遷吏部侍郎持節發廣東何眞兵救閩至則眞已降于廖永忠巴延資中墮馬求死不得折其一足永忠釋之乃變姓名浪跡江湖間明太祖求之不得簿錄其妻子巴延資中竟不出常

新疆圖志

忠節一

四

齋鳩自隨誓不復仕江西布政使沈立本言於朝以幣聘巴延資中慨然曰死晚矣爲歌七章飲鳩死

多通高昌人仕江西行省平章政事其將巴延布延布哈扞禦數有功左丞和尼齊來江西專兵柄素與多通不相能且貪忍不得將士心陳友諒攻城急見城且陷夜遁去多通因退保撫州謀集兵再圖恢復爲騎所追遂遇害

元順帝二十八年事

國朝

高天福張掖人甘肅提標守備以招撫噶爾丹至哈密爲賊所執迫脅不屈支解之

甘肅通志

班第蒙古鑲黃旗人姓博爾吉濟特氏乾隆二十年正月

詔征準噶爾北路以班第爲帥授定邊將軍五月兵抵伊犁準部悉降達爾亦瓦就擒捷上封一等誠勇公駐劄伊犁辦事七月阿睦爾撒納叛逆黨克什木等糾喇嘛纏回蠶起爲亂班第等率兵五百奪路歸賊萬衆圍之轉戰至烏蘭庫圖勒

惠遠城東二百餘里

兵

敗力不支與參贊鄂容安殉焉廿二年大軍再定伊犁歸其喪  
上親臨奠醊諡義烈以所擒逆黨阿巴噶斯克什木巴朗馘耳  
以祭特建雙忠祠 御製詩旌之並圖形紫光閣嗣又建祠

伊犁賜額曰漠陲競烈

滿名臣傳

鄂容安滿洲鑲藍旗人大學士諡文端鄂爾泰長子乾隆二十年  
以參贊大臣出西路準部平賜所襲三等伯爵號襄勤阿睦爾  
撒納叛與班第同陷賊力盡自剄樞至京祭葬建祠如班第諡

剛烈

滿名臣傳

和起滿洲鑲藍旗人姓馬佳氏乾隆二十一年

命爲欽差大臣駐巴里坤會輝特台吉巴雅爾等叛率索倫兵  
百人往勦檄吐魯番伯克莽噶里克集兵闢展而布魯特台吉  
尼瑪潛通賊詭以兵來會和起望兵至疑之命莽噶里克往偵  
給告曰我兵也逾時尼瑪等操戈前莽噶里克自後譟賊蠡集  
我兵百人皆負重創和起手刃數賊股中槍徒步轉戰至夜盡

新疆圖志

忠節一

五

死之

詔贈一等伯諡武烈踰年尼瑪及其子就擒於和起墓前伏誅

滿名臣傳

巴靈阿以領隊大臣在巴里坤軍營乾隆二十二年八月搜勦厄  
魯特賊衆至博羅齊遇伏戰歿賜卹如例準部平列名次等功  
臣五十人中

滿名臣傳

奇撤布滿洲人以侍衛在西路軍營派監包沁包沁者厄魯特司  
礮之名也阿睦爾撒納叛包沁潛通賊圍其帳奇撤布毫無懼  
色徐腰箭手弓跨馬賊近前者皆應弦倒且戰且走得一大柳  
樹自障賊圍之數匝弗敢逼天暮乃散去賜舒布圖鎧巴圖魯  
勇號 御製長歌旌異之未幾追叛賊巴雅爾至愛登蘇突

遇哈薩克部衆力戰歿於陣

滿名臣傳並御製詩注

滿福滿洲鑲藍旗人姓瓜勒佳氏乾隆二十二年以都統駐吐魯  
番時沙拉斯等既降復叛滿福往勦遇賊於背色嶺擊之賊敗

走僞遣人乞降且言賊酋已就擒請除道迎滿福信之行次哈喇和落徑險林密急麾前隊返賊千餘突出林中我兵僅二百餘遂被圍力戰負創墮溝中死之諡武毅圖形紫光閣滿名臣傳

許世隆甯夏人官甘肅永固營參將隨征至巴爾庫爾即巴里坤歿於陣馮琇甯夏人官固原參將隨征至木魯烏素歿於陣

石寅涼州鎮把總乾隆二十年運糧西路遇賊力戰陣亡

楊朝柱武威人官甘州提標守備乾隆二十一年冬與外委楊玉柱解馬至西路軍營行至克什兔遇賊力戰陣亡

張有賢西甯鎮標千總乾隆二十一年運送西路牛羊遇運賊力

戰陣亡

甘肅通志及甘州志

鄂實滿洲鑲藍旗人大學士鄂爾泰次子嗣其叔父御史鄂禮後乾隆二十三年以前鋒統領從征霍集占於葉爾羌三戰殺賊甚多將軍兆惠偵賊輜重屯城南英莪奇盤山取道城東往襲渡黑水橋半未橋圯賊旅拒鄂實力戰與原任都統三格侍衛

新疆圖志

忠節一

六

特通額均歿於陣諡果壯三格諡剛男並圖形紫光閣三格姓

棟鄂氏滿洲正白旗人

滿名臣傳

高天喜甘肅西甯人從征準噶爾以功擢守備二十二年將軍兆惠被圍欲馳救參將邁斯漢怯不進

詔褫其職卽以天喜代爲參將明年三月擊哈喇沁宰桑恩克圖等於庫隴癸山夜攜礮登山敗賊擢總兵十月隨大軍赴葉爾羌勦霍集占兆惠謀由城東渡轉戰至城南襲賊輜重留天喜督修黑水橋渡未半賊突遮天喜聞兆惠陷陣中亟舍橋衝入鏖戰死之諡果義 御製詩軫悼謂爲綠營第一人圖形

紫光閣

滿名臣傳

納木扎爾蒙古正白旗人姓圖伯特氏積功封一等勤襄伯乾隆

二十三年授靖逆將軍會勦霍集占等

詔同參贊三泰往會兆惠於葉爾羌以二百餘騎乘夜進遇賊三千被圍力戰死之三泰與侍衛奎瑪岱均鬪死贈納木扎爾

公爵諡武毅三泰子爵諡果勇

御製雙義詩圖形紫光閣

奎瑪岱卹給世職

滿名臣傳

璚綽爾圖索倫侍衛隨勦阿睦爾撒納以功賞固濟爾巴圖魯嗣征回部與達什策楞莫甯察岱屯等率百人捉生口猝爲賊遮力鬪矢盡奮突揮以拳莫甯察及岱屯皆戰歿璚綽爾圖受重傷自剄不殊遂被執見霍集占瞋目大罵皆盡裂謂天兵卽至汝輩滅不旋踵巴圖魯侍衛豈降賊者賊酋怒殺之

詔優加恩卹

御製詩旌焉

新疆識略

宋士印涼州鎮標千總乾隆二十三年從征回部在葉爾奇木力戰陣亡

王成玉西甯鎮標把總乾隆二十三年從征回部力戰陣亡

徐天茂甘州提標把總乾隆二十四年運糧送阿克蘇遇賊力戰

陣亡

三州志

赫爾喜官昌吉通判戊子流人之亂先期奉檄至烏魯木齊核檢

新疆圖志

忠節一

七

倉庫聞城陷憤不欲生請於都統溫福願單騎諭賊俾縛渠魁以獻不爾則必手刃其酋不與俱生都統止之不可竟縛橐鞬馳去直入賊中以大義再三開導賊皆曰公是好官此無與公事事至此勢不可回赫爾喜知不濟挈刀殺數賊格鬪死當時公論惜之謂於理於法皆可無死而終以殉推是志也雖謂爲常山睢陽可矣故於其柩歸無不哭奠者

灤陽續錄

慶祥滿洲人張格爾之亂喀什噶爾參贊永芹辦理失宜

詔慶祥由伊犁將軍代爲參贊道光六年六月賊攻喀什噶爾引水灌城慶祥悉力守禦殺賊甚衆八月廿五日地道通城陷遂死之其先後死事者侍衛花山布陣亡於烏魯克卡領隊大臣烏凌阿穆克登布陣亡於渾河參將王鴻儀陣亡於都齊特

均卹如例

御製憫忠詩用四體字勒石喀城彰忠祠

東華錄及聖武記

黃桂芳湖南善化人道光間官喀什噶爾偏裨賊灌城急桂芳忠義憤發墜城赴水須臾下流口決合域得慶再生桂芳遂以身

殉民德而祠祀之號方神祈禱輒靈應今祠宇徧南疆云

喀什鄉志

玉努斯喀什噶爾回部郡王道光六年張格爾之亂隨同參贊慶祥辦理軍務城陷死之照提督例議卹

東華錄

達什策楞木厄魯特宰桑歸順後授散秩大臣將軍兆惠攻霍集占命與侍衛璠綽爾圖等率百人捉生口爲賊所遮力戰被執不爲屈賊鈎其手足數日乃死

御製詩所云鐵鈎鈎四肢

其死最可憐者

御製詩注

敕照陣亡例賜卹璠綽爾圖別有傳

御製詩注

愛瑪特庫車回部郡王同治三年五月回變帶兵拒賊力戰陣亡

詔照例議卹

東華錄

伯錫爾哈密回部郡王先世自康熙三十七年編旗世效忠順同治三年秋漢回焚掠關廂戕把總高萬清城幾不守伯錫爾率纏回奮擊賊始西竄四年西路賊陷漢城請巴里坤兵復之傾家財以給兵餉復饋糧濟巴城飢軍五年冬賊大股犯境官兵

## 新疆圖志

忠節一

八

敗於柳樹泉伯錫爾遣人齎印幣赴巴城乞援而自禦賊於頭堡力戰被執賊詰請兵狀瞋目唾罵曰請兵欲盡滅狗黨耳手奪矛刺二賊斃遂遇害時年七十餘賊割伯克夏斯林耳鼻數日始殺之碎骨颺灰焉事聞贈親王建祠哈密以夏斯林阿克都拉巴海附祀

東華錄及戡定新疆記

李廷舉昌吉拔貢曾官陝西扶風訓導生平言笑不苟事母以孝聞母歿水漿不入口者數日廬於墓服闋乃歸同治三年罵賊不屈被害子成章舉鄉試武科亦剛正人謂忠節之報云

昌吉鄉志

連登由鎮西歲貢僑寓古城授徒值回亂攜眷走匿南山賊酋妥得璘聞其名遣之敦迫爲記室登由謂家人曰吾讀聖賢書肯從賊作入幕賓乎仰藥而死

奇臺鄉志

黃某奇臺貢生佚其名曾官陝西延川教訓本回族也子震邑附生當賊陷城時舉家殉難同時古城回民王朝貴者家巨富長子廉援例爲太學生同治間回亂初起彼教人迫令從逆不可

乃使次子棟出避難將合家十餘口閉一室中焚之然後自赴

火死

奇臺鄉  
土志

張和奇臺人集鄉里健兒殺賊自成一隊名與孔才埒同治四年秋戰濟木薩殪賊四五百以功保藍翎六品銜五年秋與巴里坤兵復奇臺古城濟木薩三城六年復哈密遂駐防哈密之三堡明年西路賊大股犯境拒戰力不支死之和戰功最著未邀叙錄遽爾死綏論者悲之同邑附生李恒秀捐貲練團與賊遇

於小屯亦戰死

巴里坤卷宗及  
奇臺鄉土志

副將李生元李奇都司孔憲明遊擊杜生萬邵芝均濟木薩人與孔才團練殺賊同治六年收復哈密之役二李陣亡憲明生萬芝光緒初從攻瑪納斯均戰死城下

孚遠鄉  
土志

迪化武舉王秉正義民吳敖徐學敏同治三年六月均以送糧濟軍遇賊鬪死同邑義民徐學弟與其兄學功團練抗賊驍勇善戰賊深憚之同治十一年與帕夏戰於迪化城南中礮陣亡呼

新疆圖志

忠節一

九

圖壁義民李得興同治三年六月督帶鄉團殺賊被賊支解阜康西鄉義民楊寅楊存兄弟也縣令裕厚札令帶勇防堵城陷裕厚逃寅存全家殉難同時死事者有外委楊福春又古城義民李殿魁於賊圍攻時竭力助守城陷力戰死之閱數日戚屬入城棺斂顏色如生其母妻先投井死

西陲戰略及阜康奇  
臺呼圖壁鄉土志

平瑞官烏魯木齊都統同治六年六月逆回妥得璘叛襲據漢城時官兵先期派援南疆途中遇覆精壯幾盡滿城僅餘屯勇數百人平瑞督勵嬰守閱三月食盡援絕城陷平瑞自焚事聞予謚平襄同時獲鎮迪道伊昌阿投井死協領榮慶以下殉難者

百者十員

載定新  
疆記

高吉官本將家子官把總同治四年正月領隊大臣色普詩新率巴里坤兵二百援古城吉官實從遇賊於富家塙敗之吉官策大股必至謂我兵宜乘勝造城下賊不測多寡圍可解否則必危繼以泣諫不見從天曙賊果大至力戰五六時殺賊千餘而

礮箭熟子藥亦盡遂死之色普詩新與協領功訥布佐領惠斌均陣歿官兵脫者僅數人而賊亦憚巴里坤兵威矣

戡定新疆記

惠慶古城協領同治三年冬西路賊陷漢城遊擊以下均戰死遂圍滿城時領隊大臣保恒病篤惠慶代領其隊誓死守賊數穿隧道實火藥其中以轟城惠慶悉力扞禦晝夜環甲睥睨間與賊相持百餘日力竭城陷死之城中殉難者七千人

戡定新疆記

博爾果素官塔爾巴哈臺領隊大臣同治四年正月朔逆回米慶伊瑪木等倡亂乘我不備糾衆蠡擁入城官兵倉卒拒出軍器多失回目有以受撫之說進者參贊錫霖慨然率從官往越三日議於城外禮拜寺忽窗隙一矛入博爾果素手格之矛折知事變持半矛瞪目大罵刺米慶洞胸殪焉回衆大噪遂與參贊錫霖理事通判音登額主事富勒裴圖俱殉難明年二月賊陷綏靖城博爾果素之妻及其子驍騎校蒙庫那遜騎都尉察克都爾扎普同日遇害

戡定新疆記

## 新疆圖志

### 忠節一

十

武隆額同治四年由葉爾羌幫辦大臣升任塔城參贊時塔城危如累卵武隆額撫循士卒力抗賊鋒四月攻賊於二不道橋克陣亡營官穆隆阿筆帖式哈蘇和綳額等乃退入城中堅守明年二月城陷率存兵百餘巷戰手刃數賊力竭死之事聞賜祭葬諡威毅同時領隊郭勒那佐領裴音當阿蒙庫拜防禦德克吉布達三泰驍騎校瑪克塔春筆帖式吉勒圖堪智麟查隆泰懷塔布柯什巴圖柯們綠營把總趙榮悉殉難千總甘湧被執不屈賊釘其手足於門數日乃死

戡定新疆記

阿穆爾們布伊犁索倫營總管同治三年十月在惠遠城外隨隊勦賊自晨戰至於日昃賊退入街市堅守阿穆爾們布率十餘騎奮勇撲入大隊接踵攻進賊敗竄城圍立解而阿穆爾們布

歿於陣

伊犁守城紀略

穆克德柯伊犁協領也同治三年冬賊攻惠甯城急奉檄督隊往援遇賊於地窩堡敗之追奔過皇渠忽纏哈騎賊萬餘從山後

突出橫衝我陣穆克德柯立馬手弓督戰連射前鋒數賊斃而坐馬猝中槍倒其子松齡下馬趨扶則已奮身躍起拔箭射賊應弦墮騎其子曰事亟矣請父乘馬過渠兒步行捍衛穆克德柯曰此地乃吾死所汝速去毋自悞其子不可父子皆力戰死

伊犁守城紀略

穆克登額爲惠甯城領隊大臣同治三年冬回變城距金頂寺賊巢僅二十里賊悉衆來攻兵少不能備防勦乃登陴堅守誓與城共存亡將軍數遣兵赴援爲賊截阻不得達明年正月十三日城東地雷發震塌城垣一段正堵禦間賊已由南面攻入遂退守鼓樓接仗三晝夜士卒死亡殆盡穆克登額自焚闔家均殉城中死者二百餘人

伊犁守城紀略

額騰額字克亨本伊犁印務章京同治三年十月賊圍攻惠遠城歷七晝夜額騰額調度諸軍親率堵勦連敗之城圍乃解旋隨隊援巴彥岱兩戰於地窩堡均不利殿爲後勁得護隊歸以功

## 新疆圖志

忠節一

十一

授葉爾羌參贊大臣仍留辦伊犁軍務明年春賊大股犯其營伏兵掩擊大敗之追奔二十餘里及惠遠被圍日夜環甲守陴飛礮中左目數日死城陷之日闔家殉難

伊犁守城紀略

塔勒布伊犁協領同治四年四月與屯鎮總兵沈玉桂等援綏定戰於石河子官兵少卻塔勒布按劍瞋目叱曰今日之戰死生以之退則綏定休矣督衆復前槍礮齊施賊大敗城圍遂解五月隨領隊崇熙進勦行抵地窩堡爲賊所乘收隊還單騎斷後射傷追者多人賊麴困之矢盡拔刀斫斃賊目一名沒於陣

伊犁守城

略紀

明緒同治三年冬由參贊大臣代常清爲將軍時漢回勾結纏哈伊犁遍地皆賊明緒撐支危局大小數十戰四年冬索倫錫伯防營受賊擾皆撤隊回兵力愈單遂入城堅守被圍兩月餘糧盡煮糠革樹皮爲食餓殍日以百計明年正月城陷明緒與妻暨二子一女燃火藥自焚屯鎮總兵沈玉桂領隊大臣崇熙協

領永謙與子佛爾果春佐領額勒津均力戰死軍民殉難幾無子遺

伊犁守城紀略

奎英爲喀什噶爾辦事大臣同治間回變邊城相繼淪陷有不能爲一日守者惟奎英以孤城抗賊士卒効死無二心堅守年餘援兵不至四年七月安集延酋帕夏攻陷之奎英與妾王氏子育俊孫靈景幫辦大臣福珠浚阿妻鈕氏子英俊英敏英志三女一媳赴火自焚

疆定新裁記

庫車辦事大臣薩凌阿英吉沙爾領隊大臣文藝葉爾羌幫辦大臣武仁布同治三年庫車城陷均死節家屬同殉

疆定新裁記

葉爾羌參贊大臣覺羅奎棟同治三年城陷時與中營遊擊德祥左營遊擊常順等十三員回官十六同殉難

疆定新裁記

阿克蘇辦事大臣富珠哩同治三年城陷時舉家自焚

疆定新裁記

喀喇沙爾辦事大臣依奇哩同治三年城陷時殉難

疆定新裁記

烏什辦事大臣文興同治三年六月城陷時舉家自焚叢葬於城

## 新疆圖志

忠節一

十二

內烏赤山上糧餉主事多保印房主事林全卸任主事善奎筆

帖式林慶文泰同殉難

鄉土志

吐魯番領隊大臣榮慶同治三年城陷時殉難

鄉土志

英吉沙爾領隊大臣托克托布同治四年三月城陷時與回務主事穆圖善伊明阿城守都司常順筆帖式文秀同殉難

疆定新裁記

烏魯木齊協領隆貴佐領裴凌阿同治三年六月在鞏甯城東陣亡協領色明阿防禦呢楚赫守備景章同治三年六月在汪家

溝陣亡

西陲戰略

昌吉縣典史秦某同治三年六月城陷時罵賊死闔門俱殉

疆定新裁記

瑪納斯副將崇德知縣段桂林同治三年城陷時同殉難

鄉土志

庫爾喀喇烏蘇領隊大臣文永同治三年五月率兵援喀喇沙爾至蘇把什遇覆與協領穆克德肯佐領佟瑞都司張維昶均歿

於陣

西陲戰略

庫爾喀喇烏蘇守備徐登科同治三年十月朔城陷時舉家自焚

把總長文才亦赴火死兄弟妻子同殉千總費經科姜兆熊把  
總三智忠皆戰歿

鄉志

舒泰庫爾喀喇烏蘇北鄉車排子鄉約同治三年之亂倡團保境  
旋奉檄赴城助勦奮不顧身連戰皆捷後於五道橋之戰力屈  
被執厲聲罵賊賊釘其手足於窗仍罵不輟數日乃死

庫爾喀喇烏蘇鄉志

張委員北直人言者逸其名同治三年回叛都統平公督兵防守  
糧缺檄張向呼圖壁督運六月十二日迪化城陷十四日賊西  
掠張委員聞烏垣失守平公殉節人勸他往張不從及回入城  
市人倉皇逃竄張從容至巡檢衙署後堂投井死新疆底定傳  
者多謂巡檢投井死而不知巡檢早棄妻子策蹇而去死者實  
張一介委員既無城守之責本可以去而守節殉難名字不傳  
惜哉

安三安四呼圖壁人性豪俠不事產業以樵蒲爲生庸俗每輕賤  
之同治三年六月十二日賊陷烏垣十三日下昌吉商民逃避

### 新疆圖志

忠節一

十三

城邑幾空賊至城中員弁皆潛遁市人倉卒不知所向安三安  
四集好義者十二人指天瀝血誓以必死相與掉臂奮往遇逆  
回於道相格殺回衆披靡少頃後騎麇至二人肉袒奮呼與諸  
義民盡力搏擊創甚猶不少懈賊後至者益衆遂與十二人俱  
遇害

伊犁領隊大臣布和德協守庫爾喀喇烏蘇城陷時與佐領圖蒙  
額烏魯木齊協領噶魯岱皆戰歿筆帖式彥福自刎死

伊犁守城紀

伊犁協領烏勒西春筆帖式恒貴催總額勒春和同治三年十月  
十二日拒賊於官馬廠戰死同日佐領拉哈哩送糧至那拉特  
遇賊歿於陣

伊犁守城紀略

伊犁領隊大臣托克托奈巴哈善佐領蘇勒通阿同治三年十月  
勦賊於惠遠城北關力戰歿於陣巡檢趙鴻儀被執不屈賊釘  
之店門死尤慘

伊犁守城紀略

巴里坤驍騎校都納恩委前鋒喜成同治六年夏規取濟木薩歿

於陣戡定新  
疆記

營官姚鳳林同治八年秋禦賊於哈密陣亡戡定新  
疆記

營官馬進福同治九年十月率定西中營截勦竄回戰四晝夜死

戡定新  
疆記

營官馬金貴同治十一年禦賊於達坂城陣亡戡定新  
疆記

營官唐雲漢馬興業沈廷秀同治十一年攻賊酋帕夏於迪化力

戰陣亡戡定新  
疆記

營官劉珍郭天保王復興田樹青同治十二年七月禦竄酋白彥

虎於哈密屬地之大橋迤西力戰陣亡戡定新  
疆記

哨官李萬隆同治十三年擊賊於沙山力戰陣亡戡定新  
疆記

營官李發桂光緒元年二月以三騎驗渠賊突出圍攻相持至暮

右脅中槍猶力疾死鬪孔才馳救得免旋以傷殞戡定新  
疆記

總兵馮桂增光緒二年正月從攻瑪納斯北城裏創血戰力竭被

擒罵賊死戡定新  
疆記

新疆圖志

忠節一

十四

營弁陳百順富全凌萬準光緒二年從攻古牧地迪化州力戰陣

亡戡定新  
疆記

佐領永林光緒二年七月追賊於頭屯河歿於陣戡定新  
疆記

提督楊必耀總兵李大洪熊佑琳參將陸輝光遊擊胡耀羣營官

張大發司世道楊占魁光緒二年七月從攻瑪納斯南城力戰

陣亡戡定新  
疆記

總兵譚聲俊等光緒三年從攻達坂城力戰陣亡戡定新  
疆記

提督王慶福總兵曾又得都司楊玉昌守備楊寶林李景清廖翰

卿千總孫得勝康福梁得勝把總鄧臣忠鄢得勝於收復喀喇

沙爾庫車兩城力戰陣亡恪靖  
奏稿

總兵朱成其副將楊隆輝陳祥發參將馬正揚都司成聯吉守備

戴有鵬徐九德譚雲芳千總羅仁富趙福林把總崔仁馬成旺

光緒三年九月於克復阿克蘇烏什兩城力戰陣亡恪靖  
奏稿

提督鍾興發副將張興隆都司謝得勝成東來何得所守備楊占

魁黃發喜陳崇元譚榮發千總滿永得傅得勝康祖振楊春勝  
戴國志葉得勝把總張富全黃鎮海周得勝胡春華光緒三年  
十一月於收復西四城力戰陣亡恪靖奏稿

副將丁遠孚都司蕭夢益守備彭福泰李富貴把總張發華羅中  
英梁得勝外委石有元主簿歐陽紅光緒四年防勦逃匿俄境  
之陝回及安集延酋力戰陣亡恪靖奏稿

總兵李青雲陳大根副將沈煦階參將李春廷周桂蘭都司陳松  
廷孫吉祥守備王永朝千總龍碧雲張保林周喜祥王銓衡王  
益生把總鄒鳳玉朱有福沈福隆羅文燦陳仁光緒五年正月  
防勦布魯特安集延力戰陣亡恪靖奏稿

參將王克德遊擊柏林都司余繼康守備黃龍耀千總井養成辛  
金賈福堂把總謝占鼈趙連珠趙鳳祥楊義林李成義蕭德春  
尙廷珍王新臣劉全成劉忠發湛意誠外委沈福橋光緒五年  
秋防勦犯邊賊酋力戰陣亡恪靖奏稿